

АПРЕЛЬТЬ

10-це шистонза 1941 кизоня

41 (1837)

ПИТНЕЦ 10 тр.



Комсомолю ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

ЛИСЕНДИ

9-це КИЗОСЪ

Адрессь: г. Саранск,
Советская ул., Дом печати.

СОРЕВНОВАНИЯТЬ ВАСЕНЦЕ ШИНЗОН ИТОГОНЗА

Апрельть котоце шистонза ушедеть гимнастикас коре комсомольский организациатненъ соревнованиясна. Минь республиканъ комсомолецне, комсомолкатне и од ломаттне, кода и минь странанъ сембе юношатне и стирянтне няфтезь эсь мужествоснон, выносливостьснон, эсь анокшиснон араме коммунистический обществать строямаса советский народть созидательнай, творческий трудонц аралама. Соревнованиятне шарффт физкультуранъ и спортонъ праздникосе.

Тя няеви тоста, што ВЛКСМ-нь райкомтненъ и горкомтненъ аф полной сведенияснон коряс республикатъ эзга соревнованиянь васенце шиста участия примасъ 4173 комсомолец и аф союзнай од ломанъ. Синь эздост вольнай движения къоряс кафкса упражнениятненъ коряс норматненъ максозъ 4120 ломанъ и троеборять коряс 864 ломанъ, равновесияса (бумть ланга яказь)—1744 ломанъ, лазанияса—1241 ломанъ.

ВЛКСМ-нь кой-кона райкомтне и горкомтне тя мероприятия деятельнай анокламати вельде соревнованиянь васенце шиста няфтсть блестящий результатт. Васенце вастса ащи хть Саранск ошень, Саранский райононъ, Ичалковский комсомольский организациатне. Саранск оша апрельть котоце шистонза примасъ участия соревнованияса 600 ломанъ, Ичалковский районца—389 ломанъ, Саранский районца 382 ломанъ.

Аф кирдемшка положениасъ соревнованиятненъ этафтомаса Козловский районца. Тяся ВЛКСМ-нь райкомтъ секретарец Шемеров ялгасъ практический тевтъ вастс, пэфтема болтадай. А комсомольский организациатненъ задачасна ащи сянь эса, штоба лездоме и руководить комсомолецненъ тя благороднай тевснон мархта.

Эрь райкомъ долженъ примаме сембе мератненъ соревнованиять организовандамъ инкса. А ВЛКСМ-нь Рузаевский райкомъ (секретарь Чижова ялгасъ) тя мероприятия аф сатомшка анокламати сюнеда соревнованияса васенце шиста участвовандасъ анылек 25 ломанъ. Тя позорнай цифрасъ корхтай сянь колга, што райкомъ нинге ашезе шархкоде соревнованиять оцю значенианц.

Эряви аф юксемсе, што соревнованиятненъ успешнайста этафтомасна зависится эзда, кода маштыхть организовадамс онь комсомольский организациатне. А тя тиамс нинге аф поздна. Задачасъ ащи сянь эса, штоба лядыкс кемонъ шитненъ пингста обеспечивадамс гимнастический соревнованиятненъ эса комсомолецненъ и од ломаттненъ активнай участияснон. 83



СНИМКАСА: Пединститутонъ студенткатне этафтыхть физзарядка ГТО-нь 1-це комплексь коряс.

Фотосъ Касперть.

РОМОДАНОВСКИЙ РАЙОНЦА

Састь од ломаттненъ оцю мялень учф шисна. Синь апрельть котоце шинц лувондсазъ, кода спортивной праздниконъ шиксе, сяс мес од ломаттненди физкультурасъ арасъ эряфонъ необходимой потребностекс. Тянди яркай доказательстве ащи ся, што минь райононъ 347 жизнерадостнай, бодрай юноша и стиря спортивной праздниконъ васенце шиня няфтезь эсь мастерстваснон физкультурать и спортъ тонадомаса, максозъ гимнастический соревнованиятненъ колга программаса вольнай движенияс коря норматненъ. Аф анылек вольнай движениятненъ коряс няфнихть блестящий результатт. Соревнованиянь 150 участник максозъ отличнайста и цебарьста троеборять коряс норматненъ. Тя корхтай сянь колга, што комсомольский организациатненъ ламосна гимнастический соревнованиятненъ васьфтезь сембе ширде анокста, лувондозъ тя мероприятия этафтоманц эсьтейст перво-степеннай важностень тевкс.

Особенна блестящий показателхть няфнихть районцанъ и школьной комсомольский организацианъ комсомолецне. Лазанияса норматненъ максозъ 50 ломанъ, равновесияса 75 ломанъ, и 72 ломанъ максозъ норматненъ комотнемаса.

Соревнованиянь омбоце и колмоце шитненъ эзда темпне аф лафчемкшнихть. Арьсетяма соревнованиятненъ аделама срукта инголе.

Пятунин,

ПУРДОШКАСТА

Гимнастический соревнованиянь шитне арасъ од ломаттненъ физкультурать мархта овладенияснонды смотракс. Именна тянь колга корхтай ся фактс, што минь районцонъ

тя соревнованиятненъ эса участвовандасъ 200 комсомолец и комсомолка. Сембе ня ялгатне максозъ норматненъ. Синь эздост 163 максозъ норматненъ равновесиять коряс.

Тянь мархта комсомольский организациатне кемокснесазъ сят сатфксенъ, конатненъ синь сатозъ Якстерь Армиять 23-це годовщианц лемса лыжной комсомольский кроссът этафтоманц пингста.

Петров.

Сире Шайгованъ районца

ВЛКСМ-нь Сире Шайгованъ райкомтъ сведенияснон коряс гимнастикас коре соревнованиятненъ эса апрельть котоце шистонза примасъ участия 266 ломанъ. Сембе районнай организациас комсомолецта лувондови 733 ломанъ. Тяфтажа активнай участия соревнованиятненъ эса примосихть аф союзнай од ломаттне. 16 аф союзнай од ломанъ максозъ норматненъ программаса азф вольнай движениянь кафкса упражнениятненъ коряс. Комсомолецне и комсомолкатне няфтезь эсь ловкостьснон, пшкотькшнесазъ упражнениятненъ нарушенияфтома, пшк точнай-найста. 250 комсомолец и комсомолка, конат участвовандасъ соревнованияса, максозъ программаса азф норматненъ вольнай движениятненъ коряс.

Равновесияса максозъ норматненъ 108 ломанъ, комотнемаса—136 ломанъ.



Гимнастсь перворазрядниксь (Ленинградский военный округ) В. И. Светлов красноармеецъ тренируется кольца.

Фотосъ Г. Черновъ.

(Фото-хроникась ТАСС-тъ).

МАЙТИ ПОДАРКАНЬКЕ

Од Выселка велень средний школанъ Осоавиахимский организациясь (сонъ председателец военрукс Маркин ялгасъ) ученикненъ ёткас вяти оборонно-физкультурнай работа. Тяся старшай классонъ питай сембе ученикне осоавиахимонъ члетт, конатненъ эзда ламоснон кафтонъ обороннай значоксна.

Маркин ялгасъ собранияса макссъ вал, штоба майть 1-це шиниты сембе пладыкс члеттненъ анокламс значикс-токс. Тя обязательствать пшк-кодемаса комсомольский организациясь максси оцю лездкс.

Лобурев.

З.-Полянский р-н.

ВЫПУСКНОЙ КЛАССЪ

Сире Драканъ средний школанъ 10-це класса 23 ученик, сембе синь комсомолецт. Тя классъ нинге 1940—41 тонаф-нема кизотъ ушедомастакиге лувондови передовой классосе. Колмоде четвертьста кемонце класса успеваемость 96 процент, а посещаемость 97 проц. Колмицке этай четверттенъ пингста тя классъ занцезе васенце вастть школоса.

Тяся улихть лама ученик, кода Кожевниковасъ, Кулагинцъ Комаровс и Шубинас, конат сембе четверттенъ эса тонафнихть анылек отличнай отметка мархта.

Синь этафнихть оцю массово-разъяснительнай работа колхозникненъ ёткас. Синь азонкшнесазъ «Мордовский АССР-тъ эзга сельскохозяйственной культуратненъ урожайностьснон и животноводствать продуктивностенц касфтомаснон инкса колхозникненди трудонс инкса дополнителнай пандомать колга» СССР-нь СНК-тъ и ВКП(б)-нь ЦК-тъ постановленияснон.

10-це классонъ ученикне-комсомолецне сясвь обязательства, штоба и нилеце четвертстонга занямс васенце вастть и испытаниятненъ максомс отличнай и цебарь отметка мархта.

С. Петрушкин.

ПРИМЕРНАЙ КОМСОМОЛЕЦ

Парапова велеса «Пролетарий» колхозса Надин комсомолецъ работай кузнецокс ветеце кизосъ. Сон колхозса лувондови ударникосе. Сембе сельскохозяйственной инвентарть тунда видемати аноклазе нинге март ковстакиге. Честнай и добросовестнай работанц инкса правлениять ширде сон ламокетъ ульсь преми-ровандаф.

Тяда башка Надин ялгасъ лувондови цебарь общественникосе. Сон кочкаф комсомольский комитетонъ и колхозонъ правлениянь членкс. Тя работать пшкотькшнесы честь мархта. Сон, кода комсомолец и допризывник, касфнесы эсь идейно-политический уровень, тонафнесы военной тевтъ.

К. Черкашев.

Атюрьевский район.

Омбоце „А“ классь

Сувамок Всесоюзный XVIII-це партийнай конференцияте лемса социалистический соревновани-яс, Атюрьевский средний шко-лань педколлективсь колмоце четвертьста сатсь тонафнемань тевса, дисциплинарь кемокста-маса оцю сатфкет. Тянь инкса синь цебарьгофтозь учебно-воспитательнай работат. Башка класснай руководителхне омбоце четверть коряс ламода касфтозь успеваемость. Омбо-це „А“ класса тяниень пингть аф калдяв дисциплинась. Успеваемость и посещаемость 100 процентнай.

Тя классонь учительницася Лидия Павловна Сараскинась шарькодевиса азондсы программат коряс ётави материаль, оцю работа ётафнесь и тяниеньге мольфти ученик-нень родительской мархта. Сонь опытоц кой-кона учительхне кармасть применять эсь рабо-тасост.

Карл Черакшев.

Аноклайхть РККА-в призывти

Темниковский райононь допризывникне, конат шачеть 1921—1922 кизотнень пингста, деятельна аноклайхть РККА-в и Военно-Морской Флоту предстоящей призывти. Иде-евский куста, коза сувси 4 велень советт, аккуратно ёт-нихть строевой и теоретичес-кий занятия допризывникнень мархта.

Строевой, караульной служ-бань уставть, тактика, ВВХО-ть и ВС-ть коряс заня-тиятнень ётафнесыне запасонь и. л. лейтенантсь Петр Данилович Ишаев ялгась, конац максес вал, што призывонь шити сембе тонафниензон поддамс оборонной значок мархта.

Ф. Лобанов.

Темниковский район.

КОК-САГЫЗСЬ МОРДОВИЯСА

Кок-сагызсь арси фкя инь главной культуракс, конань велде ули кода сядонга вя-ри кеподеме натуральной каучуководствань базат. Ко-да содаф, каучуксь (резинась) имеет пик важнай значения аф анычек минь странаньконь обороноспособностьса, но сон тяфта жа кирди огромный роль сембе народной хозяйстваса.

1941-це кизоне Мордовиять 19 райононзон эзга 60 колхоза лама кармайхть касфтома кок-сагыз. Например, Рыбинский районца кармайхть касфтома нят колхозе: «Путь к социа-лизму», «Победа», «Путь Ленина», «Новая жизнь», Че-люскинть и Папанинть лемса колхозе, Ширингуский рай-онца — «Валда эряф», «Путь к социализму», «Большевик», Ленинтъ лемса колхозе.

Аф ёмла ролен тя од куль-турат касфтома комсомолть.

ВЛКСМ-нь Мордовский об-комсь рекомендует колхозонь первичнай комсомольский орга-низациятненьди и ВЛКСМ-нь райкомтненьди кок-сагызть кас-фтоманц колга пуропнемс спе-циальной комсомольско-моло-дежной звенат, руководителкс конатненьди путнемс инь це-барь комсомолецнень производ-ственникнень и опытник-кол-хозникнень. Звенатнень эря-вихть пуропнемс стама расчет мархта, штоба эрь гектарти саль 3—4 ломань.

Тяниень пингть одс органи-зовандаф звенатнень инголе кармайхть ащема оцю задачат сянь эса, штоба няфтемс, што Мордовиять условияса можна аф анычек касфтоме кок-са-гызть, но и можна получамс оцю урожай, ибо тянди сембе возможностьне улихть.

Васенце задачакс одс орга-низовандаф звенатнень инго-

ле арси тяни ся, штоба кач-камс модань участка. Модань участкатне, кода правила, дол-жетт улеме пик плодороднайхть и крхкаста сокафт парина алу. Участкатнень площадьна кар-майхть улема 0,5 гаста сяво-мок 1,5 гектаре молеме.

Омбоце оцю задачке арси ся, штоба анокламе видьмотнень видемати. Звенатне тянь шири должетт шарфтомс особай мьяль, сяс мес кок-сагызонь видьмо-нень улихть синценъ особен-ностьсна — куватьс аф лисихть. Тянь инкса видьмотнень эря-вихть анокламе академик Лы-сенконь методонц колга или стратификацияса, конатнень велде ули кода сада куроф синь лисьфтемс.

Видемась ётафневи широко-ряд-ной способса. Ряттнень ёткса 44,5 см. Видьмонь нор-мась латцеви фкя гектарти 2—3 килограммат. Сяс, мес фкя гектарть видемс пятай аш кода ладямс сеялкатъ, тянь инкса эряви тяникиге анок-ламс смешаннай материал. Сме-шаннай материалкс могут улеме пилфкет или косьяк сураюфт. Видемста кок-сагызонь видь-монь фкя пилкссь шорьсеви 2—3 пилкс смешаннай мате-риал мархта.

Кок-сагызть урожайс кар-май зависеть сянь эзда, ко-нашкава лац ули ётафть анок-ламась. Главнайсь кок-са-гызонь оцю урожайс полу-чамаса, — корхтай академик Лысенко, — получамс цебарь лисьф.

А сянь инкса, штоба полу-чамс цебарь лисьф, васенда-киге эряви сембе ширде анок-ламс видьмотнень, почвать и эсь пинкстонза и цебарьста ётафтомс видемать.

Н. Славкин.

биа. Слушательхне пропаган-дистъ беседанзон кулхоткшне-сая оцю интерес мархта и за-нятиятнень посещают аккурат-найста. Инь цебарь слуша-телькс лувондовихть Муртазин, Хайров ялгатне. Синь тяни аф калдявста разбираются между-народной положениянь кизеф-ксень мархта.

Кружокса преподаются об-щеобразовательнай дисципли-нат. Рузонь кяльть препода-ваниянц вятсь средний школаса рузонь кялень и ли-тературань преподавательсь Бариньяк ялгась. Тя дисци-плинат преподаваниянц баш-ка максси сон совет слушатель-хненьди, кодама литература лу-вондомс.

Касфнемок эсь содамашисон, комсомолецне вятхть оцю ра-бота велень трудяйхнень ёткса партиять и правитель-ствать решениясон азондома-са. Комсомолецнень вийсон велде образовайста ладяф клубса агитационнай работас, максихть оцю лезкс партийнай организацияти Всесоюзный XVIII-це партийнай конферен-циять решениянзон и СССР-нь Верховнай Советъ кафедресе сессиянц материалонзон разья-сненияса.

Кочина.

Лямбирский район.

Комсомолецне лездыхть

М. Пашад велень средний школань и колхознай комсо-мольский организациятне макс-ихть пик оцю лезкс колхозонь правленияти тундань видемати анокламаса. Комсомолецне Че-панов Колясь, Юшин Ваясь, Фомкин Пашась и лиятне сявсть шефства колхознай ала-шатнень лангс. Тя благород-най работат велде синдейст кемокстаф алашатнень упитан-ностьсна нюрхкяне пингста кассь среднийс.

Комсомолецне цебарьста ла-дязь колхозса агитмассовой ра-ботат. Комсомолець Цыба-лов ялгась колхозникненьди пик аккуратно азонткшнесыне пар-тиять и правительствать реше-ниясон, тиенди докладт роди-наньконь внутреннай и внеш-най положениянц колга.

Фомкина и Цыбизова А. ком-

сомолкатне вятхть оцю рабо-та МТФ-нь, ОГФ-нь и СТФ-нь работникнень ёткса. Синь ня участкатнень эса работай кад-ратнень цебарьста знакомон-дазь колхозникнень трудсон инкса пандомат колга СССР-нь СНК-ть и ВКП(б)-нь ЦБ-ть пос-тановлениясон мархта.

Комсомолецне пик оцю мьяль шарфнихть стенной печатть шири. Синь руководствасон и непосредственной участиясон велде колхозонь полеводчес-кий бригадатнень эса аккурат-на полявихть стенной газетат, конат колхозникнень мобилизо-вандакшнесазь тундань виде-мать сембе ширде анокста вась-фтеманцы и сонь нюрхкяне пингста и цебарь качества ётафтоманцы.

В. Кирдяшкин.

Пурдошанский р-н.

Почетнай работаса

Сарга велеса 1940 кизоне панжевсь глазной пункт. Пунк-ти работама кучф ульсь Е. Маркина медицинский работ-ничась. Маркина ялгась меди-цинат пик кельксы. Тянь велде цебарьста ладязе насе-лениянь ёткса лечебной рабо-тат.

Маркина ялгась велеса ти-енди лекцият медицинатъ ко-ряс. Аф кунара колхозникненьди тиендсь лекция: «Коде тю-ремс трахоматъ каршес». Тя лекцияса ульсь лама колхоз-ник.

И. Алякин, Д. Алякин.
Ст. Шайговский район.

ТЕОРЕТИЧЕСКАЯ КОНФЕРЕНЦИЯ

Порапа велень аф полной средней школаса ётафневихть теоретическая конференция. Аф кунара ульсь ётафть те-оретическая конференция «ВКП(б)-ть историянц краткай курсонц» нилеце главанц ко-ряс. Тяс примась участия 25 ломань, конатнень ёткса ульсь

комсомолецт, учительхть и од ломатть.

Конференциясь ётась актив-найста. Ялгатне, конат ульсь конференцияса, цебарьста анок-ласть тейнза.

И. Китов.

Ковылкинский район.

Сявода пример монь эздон

Советский школьникти глав-най задачке ащи — отличнайста и цебарьста тонафнемс. Тя задачат мон пияшкотышнеса аф калдявста.

Мон-тонафния Каньгуш ве-лень средний школань 9-це класса. Васенце и омбоце четвертнень эса мокшень кяльса отметке ульсь цебарь, а илядыкс предметнень эса сембе отметкане ульсь от-личнайхть.

Ушedomок колмоце четверть-ста, мон эсь инголен путонь задача, штоба колмоце чет-вертьста сембе предметнень максомс анычек отличнай от-

метка мархта. Тяни мон кар-мань упорнайста работам, составил расписания, конань пияшкотышнине сембе пунк-тонзон. Тянь велде мон са-тонь аф калдяв сатфкет. Колмоце четвертьста сембе дис-циплинатнень мон максыне анычек отличнай отметка мар-хта.

Мон нилеце четвертьста ся-вонь обязательства, штоба и нилеце четвертьстонга успева-емостезень аф кирьфтамс и максомс испытаниятнень аны-чек отличнай отметка мархта.

В. Сабаев.

Ельниковский район.


Тяфта эряви работамс эрь комсомольский организацияти

Вятемок аф союзнай од ло-маттнень ёткса массово-разья-снительнай работа, Пензятка велень первичнай комсомоль-ский организациясь ламода кас-фтозень эсь рядонзон передо-вой од ломаттнень лувкста. Тяниень пингть комсомольский организацияса лувондови 40 комсомолец.

Комсомольский организаци-яс честь мархта пияшкотышне-сыне задачатнень, конат пут-невихть сонь лангзонза. Ком-сомолецне аф пелихть черновой работат эзда, а меклант, вийнь апак ужальть работайхть сянь инкса, штоба тиес эсь колхозсон большевистскийкс, а колхозникнень зажиточнайкс. Тя няеви тоста, што 40 комсо-молец эзда 35 работай не-посредственно черновой рабо-таса, няфнихть трудонь оцю производительность. Комсомо-лецне апихть социалистический соревнованиянц инициаторкс, максессть и максихть эрь кол-хозсонды оцю лезкс сянь инк-са, штоба тундань видемать ётафтоме нюрхкяне пингста и цебарь качества мархта. И тянь синь лувондсая эсьтейст поче-тной задачке.

Иотай кизоня колхозсь полу-чась обильнай урожай, путф лама вийда. Тя тевса ули комсомолецнень трудонь оцю долясна. 6 комсомолецт рабо-тайхть животноводствань систе-маса — свинарькс, дояркакс и стак тов.

Аф анычек производствен-най характера кизефкснень мархта занимадыкшнихть комсомолецне. Синь аф кал-дявста касфнесазь эсь идейно-политический содамашисон и келепнесазь общай кругозор-сон. Регулярна лувондыхть журналхть, газетат, художест-веннай литература. Вете ком-сомолецт серьёзнайста тонафне-сая самостоятельна «ВКП(б)-нь историять краткай курсонц», сёрматкшнихть конспект, лувон-дыхть дополнительной литера-тура, пользовандайхть консуль-тациятнень мархта. Сят комсо-молецненьди, конатнень аш са-томшка общеобразовательнай содамашисна, организовандаф политграмотань кружок. Тя кружокса слушателькс ащи 30 комсомолец. Пропагандистъ Марин ялгась ётафнесыне за-нятиятнень живоиста, исполь-зовандакшни нагляднай посо-



Ждановть лемса заводонь (Ленинград) комсомольский орга-низациясь ётафни оцю работа заводть цехонзон эса чистотань тиёмаса. Основной цехнень эса лисендихть комсомольский бюллететъ «Крокодил», кося оржаста критиковандавихть про-изводствань нерыхатне.

СНИМКАС: Корпусной цехонь комсомолецне лувондсая «Крокодил» цеховой бюллетентъ свежай номеронц. Фотосъ И. Барановъ. (ТАСС-ть фотохроника).



Юнай спортсметтень зимний соревнованиясна
Архангельскляй школьниконь всесоюзной конькобежной
соревнованияса пёранятнень ёткаса 1941 кизоня странань
чемпиононь званиять завоевал Сергеев (Моску), стирнятнень
ёткаса Архипова (Моску), юнашатнень ёткаса — Краснояр (Сверд-
ловск) и стирнятнень ёткаса Бачуринская (Архангельск).

СНИМКАСА: Юнай чемпионтне (кержи ширде види ши-
ри): Валентина Архипова, Юрий Сергеев, Ирина Бачуринс-
кая и Борис Краснояр Архангельскляй «Динзю» стади-
онть катоксот.

Фотось М. Елисеевть (Фотохроникас ТАСС-ть).

КАСФТОМС ОБРАЗОВАННАЙ ЛОМАТТЬ

Идть воспитанияц, эздонза коммунистический обществань активнай строителень касфто-
мась тя труднай, но почетнай
тев, конанцты эряви пуютома
вий. Тяфтама задача мархта
сотф и пионервожатайть рабо-
тац. Сон должен воспитывать
будущай патриотти ломанень
инь лучшей качестват: чест-
ность, храбрость, мужества,
трудолюбие. Идти тяфта-
ма чувствань воспитандамась
ушетькши нинге пионерский
организацияса. Коммунистиче-
ский воспитаниянь тя оцю ра-
ботать коряс лама могут тиеме
пионерский организациане.
Именно тьянь мархта сотф пи-
онерхнень ёткаса работать содер-
жанияц. Сембонди содаф, што
эрь идти эряви индивидуаль-
най подход. Содамок идти лич-
ностен, эряви мумс воспита-
ниянь правильной ки. Вов тьянь
инкса эрь пионерработникти
эряви хотя ба элементарнай
педагогический образования,
конанц вельде можна машфтоме
идти характера калдыв чер-
татнень. Васендакиге эряви то-
нафнем лучшей учительхнень
работань опытнон. Тя лезды
отвечаме пионерт волнующай
кизефксонцты.

Пионерсь интересовандакши
разнообразнай кизефкс мархта.
Сон лувонды идень литература,
вати школаса лама дисципли-
нада. И сяс синь ширдест
могут улемс максфт различнай
темас коре кизефкст. И вов
сембе ня кизефксненди эряви
отвечаме вожатайти, конатнен-
ди максф работань паяк важнай
участка — касыкс поколениять
воспитанияц. Штоба пашкотык-
шиме птнень тя оцю запрос-
нон, эряви серьезнайста
работаме вожатайти эсь идейно-
политический содамашиц кас-
фтоманц и общей кругозоронц
келептеманц колга. Но лама
школава нинге старшай пи-
онервожатайхне калдывета кас-
фнесазь эсь идейно-политичес-
кий уровеньнон, педагогичес-
кий образованиснон, кржа лу-
вондыть художественнай лите-
ратурада. И тя оцю аф сатыксть
сюнеда синь эсь работасост
максихть паяк кржа эффект.

Аф сатомшка лезке максихть
педагогический коллективти
школаса учебно-воспитатель-
най работать цебарьгофтомаса.
Сборхне сидеста ётафневихть
скучнайста, бессодержательнай-
ста.

Тяфта ладяф работась ся
пионерский организациаса, коса
руководительке ащи невежда,
конац мезевон аф содай и мя-
лец аш содамс. Ня вожатайхне
пионерский организациаса
калдыв работать азондсазь
сянь мархта, што тейст аф
ледыхть. Сембе работась вос-
питаниять коряс должен улемс
шарффт тонафнемань качест-
вать цебарьгофтоманц, дисципли-
нировать сознательнайкс тиема-
нци шири. Ня задакатне ащи-
хть главнайкс. Касфтомс образо-
ваннай советский ломань — пионер-
ский организациань кровной
тевоц. Примерда можна няф-
теме паяк лама. Ладский райо-
нон Пушкинский аф полнай
средней школаса (старшай пи-
онервожатайсь Ливанова ялгась)
кой-кона класснень эса ёлма
успеваемость, лафча нинге
дисциплинась. А пионерский
организациань ня кизефкснень
мархта аф занимаданкши.

Виде, кой-кона школань ди-
ректорхне, а тяфта жа педкол-
лективне аф шарфнихть мяль
пионерский работать шири.
Рыбинский средней школаса
мань тичимс аш пионерский
комната.

Козловский средней школаса
старшай пионервожатайсь Ша-
башов ялгась нолдазе самотекс
военно-физкультурнай рабо-
тать. Тясса кой-кона класснень
эса успеваемость 60-70 про-
цент. Аф кржа пионер лувон-
довихть тонафнемаса отстаю-
шайкс. А старшай пионервожа-
тайсь тьянь мархта занимадон-
дакшнень случайста случайс.

Тяфтама аф сатыксть улихть
лама школава. Синь машфто-
масна вешихть вожатайхнень
ширде касфнемс эсь содамаши-
снон и сембе вийса кярмодемс
работать цебарьгофтоманцты.

24

З. Арсентьева.

Равчкодсть ни паксятнень
шамасна. Сембе велесь лиссь
яровойнь видема. Тундань ма-
ни шиня, мзярда сембе ломат-
тне васенцеда работась сво-
бодна эсь умаснон лангса, оцю
прогонть вельксс кеподсь
пуль.

— Алянят, алянят!.. Ванода
мезе арды?! — шапама вайгяльса
ювадсь сире горбон бабаньсь,
— вай сюдуфан, шкабавась
кормилецкязе ваномась, тона
светсь сась... шайтаттне нару-
жа кармасть якама!..

— Мезе няят? Коса? — эводь-
фста ювадсь Иванорьсь.

— Вона, вона прогонть э-
га сась и тусь видеста веле
кувалма!..

Автомобильсь вишкста ардсь
порядкат эга и лоткась ве-
лень советть вакс. Велень
сембе ломаттне атянь шабань
пес пуромть «шайтанть» ва-
нома. Машинаста валксть фья
але и кафта од стирнят и
эряскодозь сувасть велень со-
вету.

— Кие велень советть пред-
седателец, — кизефтезе сельме-
ванома мархта уполномочен-
найсь озада ащи серес аф оцю
равжа шяяр алянят...
— Мон, — отвечась Кижва-
товсь.

— Паяк цебарь. Минь саме
волостьста, — кармасть корхтама
уполномоченнайсь. — Волостьса
панжеви детдом и минь саме
сирота иднятнень инкса. Вов
документоньке.

Кижватовсь лувозе волиспол-
комть отношенияц и кучезе
исполнительть велеть эзда сирот-
натнень кочкама. Кафта част-
нон пингста пуромсь комозь-
шка идь. Уполномоченнайсь
пуроптозень перьфканза сирот-
ота иднятнень и кармасть
корхтама.

Ну иднят, тьяни минь озата-
ма машинати и тутама ошу.
Тинь аш терянте, аш алянте.
Эрямс аш коса. Вов и минь
саме инксонт детдому. Тоса ша-
тидязь, цебарьста карматада
ярхнама. Сяда опюняте эздон-
т кармайхть тонафнема, а
сяда ёмлянтне — кармайхть
налхксекшнema. Вов ня стир-
няте кармайхть улема воспи-
тательницакс. Вов тя — няфтьс
акша кудрявай, веселя стир-
нять лангс — тётя Марусьсь, а
ваксонза вона — няфтьс сур-
сонза якстерь шама равжа шя-
яр стирнять лангс — тётя Ни-
нась.

Сембе комсь идть озафтозь
машинати и прогонть эга
тусь вирть шири. Автомо-
бильсь, ётнемок вирть маласа
аф оцю пандонятнень эга, ся-
да тов и тов мольсь восток ши-
ри. Цебарь кись таргавсь
паксят эга. Каршек уфась
кельме кофья. Пидезь-пидесь
пись. Вирть ширеста яфодсь
танцти шинени. Спидометрсь
няфнезе 35 пифрать. Част пале
мархтада меле машинась не-
жедсь лий трвати. Лийть омбо-
че ширесонза няевть ошть се-
ри кудонза. Автомобильсь пач-
кодсь оцю кити и кармасть ар-
дома телеграфнай столбатнень
вакса. Вов ни ошть васень

ульцяц. Иднате кармасть ва-
нондом, кепсезь прыснон оцю
куттнень лангс. Курокста ма-
шинась шарсь оцю кели кить
эга и кармасть ардома види
кядь ширеса ульцяць эга. Ид-
няте фья-фья лангс кармасть
варжакснema, а кой-конатне
нльне эводить.

— Ков минь усксамасть? —
авардема вайгяльса пшкядсь
Степкась, — вирьса штоли кар-
матама эряма?

А Мишкоть нльне лофташ-
кадсь шамац, но пры изь няфне,
што эводить.

Тётя Нинась пеедзевсь и
мяргсь иднятнени:

— Минь аф вирьса карма-
тама эряма, а сад потмоса. Ин-
голе тьяса эрясь баярьсь, а тя-
ни Советский власть тя садть
и байронь кудть максозе тейнек
детдомонди.

Иднате акша шаманьсна
весялгасть и фья-фья лангса
кармасть рахсема, кие сада
паяк эводить.

Ваньсь саворне тостядезе
бокта братонц и салаване пшкя-
дсь.

— Тьяни Степка вирьса кар-
матама эряма.

— Лоткак, тят дразня эсон, —
визделгодозь пшкядсь Степа.

Автомобильсь нежедсь оцю
акша кудть вакс и лоткась.

— Ну тьяни саме, валгода
иднят, — пшкядсь тётя Мару-
сьсь. Синь фья-фья мельга ко-
мотнень машинаста. Воспита-
тельницацне арафтозь кафтонь-
кафтонь строис и сувафтозь
кудть потмос. Комнататнень
потмосна заботливыйста уря-
дафт, стенаса портретт, пла-
катот, шратнень лангса панчфт.

Ряцок ащесть акша прос-
тынца вельхьяф койкатне.
Танцти обедта меле, иднятнень
штазь баньса, наряказь и
ушедсь од эрясна.

Сяда оцюфне ушедсть то-
нафнема, а ёмлянтнень мар-
хта работакшнень воспита-
тельницацне. Пингсь ётнесь
паяк веселяста и эрязста.

Ваньсь аделазе семилеткать.
Арьсекшнни сядта тов тонафне-
ма, но ужаль кадомс детдомсь.
Цебарь эряфон, лама ялгдон-
за. Детдомсь арась тейнза род-
ной кудкс.

Ваня каникул ёткова афи
лотксесь сядта товодонь эря-
фонц колга арьсемда. Кизонь
мани шовдаваста лиссь ком-
натаста, озась панда праяв и
варжаксть детдомть богат-
стванзон лангс.

Тон жа ватт, мезе тьяса:
шюди ару лайвась, тьяса и
садсь, и пиже лугатне ватт
кодонт!..

Садса касеть марьхть, виш-
нят, грушат, а садть кучкава
сюренякс таргавсь лийсь...

— Кода кадсак тяфтама
васть, тяфтама эряфть, — арь-
сесь эсь потмованза Кузнецов
Ваньсь. Детдомть заведующайц
нежедсь Ванянь малас.

— Мес Ваня паяк рана стять?
— Да, удомазе мес бди аф
сай.

— Кода тьяни сядта тов арь-
секшннат: тонафнема мяльце,
или мастерской млядат рабо-
тама?

— Тозонга и тязонга це-
барь. Но монь мялезе...

— Ну корхтак, корхтак, мес
виздят?

— Мон, Николай Иванович,
аф кунара шовдава няинь са-
молет. Лийсь алга-алга, пряма
детдомть велькска. Мотороц
атямкс торась и эрязста кя-
шевсь туцяти. Мон арьсек-
шнень ламос лиендемаць кол-
га, арьсекшнень лии маши-
нать колга. Но монь тя арьсе-
мазе эряфе аф ётафтови...

Ну, мон шархкодихтень
тонь, — пшкядсь заведующайсь.
— Тейнек кучеть кафта пу-
теватк летнай школав.

— А кинь примайхть тоза?

— Кда ули мяльце тоньге
приматядзь. Тон кемат, шум-
брат пёрась, образованице
саты. Путевка макстама.

Кузнецовть кенярдеманицы
ашель певок. Тьяка шинякиге
кармасть кочкама документон-
зон и кафта шиди меле куче-
зень летнай школав. Курокста
сонь тердзё испытаниас и
примазь летнай школав тонаф-
нема.

Кузнецовсь срхкась. Про-
щандась воспитательхнень и ял-
ганзон мархта, палазе бра-
донц и тусь детдомста тонаф-
нема.

Ламос арьсекшнень детдом-
са ялганзон колга, паяк лажат-
кшнень. Сидеста кучесь сёр-
мат, коса азонкшнень оцю
спасиба воспитаниянкса. Степа
братьянцты мярьгондсь цебарь-
ста тонафнемс семилеткаса.
Эсь сёрманзон эса азонкшннезе
эсь эряфонц.

Пингсь ётнесь паяк курок-
ста. Вов ни котомка ков ки-
вок детдомста аф отвечацши
сёрманзон каршес. Аф брадонц,
аф ялганза, кивок ашезь сёр-
мада ответ.

— Мес тяфта, мес монь юкс-
тамазь? — сидеста арьсекшнень
эсь потмованза Ваньсь. — Или
сёрмане мялезост ашесть ту?..
Бта и цебарьста сёрмад-
кшнень, тясонга отличник кур-
сантокс лувондсамазь и вдруг
сембе каяжиять лангонзон...

Ламос Кузнецовсь арьсек-
шнень детдомть и брадонц кол-
га, но ответ тя кизефксти
ашезь мушенда.

Выходной шиня лиссь кры-
лец лангс и кармасть книгань
лувома.

— Ваня, Ваня — нежедсь мала-
зонза ялгац, — тейть сёрма, —
наверна кельгомане сёрмады?
Почерксь стиренне...

Ваньсь кенярдсь. Перьфкан-
за пуромть курсант ялганза.

— Давай сембонди, брат,
моратк, мезе сёрмады стирце.

— Аф содаса кие сёрма-
дысь, — отвечась Кузнецов.

— Лоткак васькафнема.

Кузнецов панжезе конвертть
и таргась кагод пакшья:
«Кузнецов ялгась! Минь полу-
чайнек тонь сёрматнень. Пач-
фнетяма куля, што детдомсь
ётаффт коза бди лия ошс. Тя-
за панчф школа. Тонь ялгаце
или братце, конань лемс-куч-
сесайть сёрматнень, кода азон-
дозе тейнек детдомонь воспи-
тательницац, кона тьяни ра-
ботай учительницакс школаса,
ламос сярдемда меле кудось.
Инксонза тят ризна.»

(Полатксонц моли. Ушетксонц
ванк 40-№-ста).



Советский Арктикаса

Мыс Желания (Новая Земля).

СНИМКАСА: Кержи ширеса (вяре) актинометрический наблюдения (прямой солнечной радиациян регистировандамась), алува—полярный станциян сотрудникне моряста кундаф акша офтть мархта; види ширеса (вяре) грузонь примамась пароходста, конан кизоти весть ётни Желания мысть вакса; алува—промышленникс туй морской зверень промыслас. Фотось А. Некрасовть (фотохроникась ТАСС-ть).

ПОЛИТМИНУТКАТ

Сянкса, штоба систематически учащайхне содалезь странать внутренний и международный положениан, Инсарский педучилищань партийнай и комсомольский организационне ётафихть синь ётксоет политминуткат, конат ётафневихть классень эзга недяляти весть.

Учащайхне пях довольнайхть тя политминуткатень мархта, кулхонкшнесазь синь оцю мялса.

И. Сурдяев.

Инсарский район.

МЗЯРДА
КЯРМОДИХТЬ
РАБОТАМА?

ВЛКСМ-нь Мельцанский райкомонь школьной од ломаттнень и пионерхнень ётка работать коряс комиссиясь полафтсь ни кафта председателхть, но работась станяк мертвай точкаты лангс илядсь. Тя комиссиясь ашезь ётафта ильне фявонк семинар вожатайхнень мархта, аф корхтамонк ни лия работань колга.

Тяфта жа калдыаста работай агитациян и пропагандан комиссиясь (председательсь Прекин ялгась). Сон эсь работанц пингста ётафтсь авьцек фя совещания ВКП(б)-ть историйнц самостоятельна тонафниензон мархта.

Сембе комиссиятне пях кржа мяль шарфнихть велень первичнай комсомольский организационнь работасон ширес. Тянь сюнеда лама первичнай организациява комсомольский работась лафча. ВЛКСМ-нь райкомть секретарец Луничкова ялгась аф веши настоящай работа комиссиятнень председателсьсон ширде, распустил синь, а сяс и калдыаста работайхть.

В. Букатов.

Мельцанский район.

МЕЗЬСА ЖА ПРИЧИНАСЬ?

Успеваемость коряс отметкатне Од Выселкань школьной комсомольский организационь эса тисть оцю тревога III-це четвертьста. Инголе комсомолень успеваемостьна ульсь 93 процент, а III-це четвертьста—85 проц.

— Минь учсеме ёфси лия—100 процентнай успеваемость, а лиссь мекланкт, нльне сядонга кирсь успеваемость комсомолень ётка, корхтай ВЛКСМ-нь комитетть секретарец Топильников ялгась.—Мезьса причинасть?—этиенза максикизефкс Топильников ялгась.

Причинасть Топильников ялгась пях простой. Комсомолень, во главе комсомольский комитетть мархта калдыаста тюрсть успеваемость касфотманц инкса. Именно аныцек тянь мархта можна азондоме ся

фактсь, што лама комсомолец кафтонь—колмонь дисциплинань коряс тонафнихть калдыаста. Комсомолкаты Машкова Симать 2 калдыав отметканза, комсомолень Нухтаев Андрейт—колма, Жаткин Федя—колма и стак тов. Комсомольский комитетсь вестенге не обсудил ни ялгатнень колга кизефксть, а мес именна синь калдыаста тонафнихть, мезе тейст шорай и стак тов.

Курок ушедыхть испытаниятне. Комсомольский комитетти марса учителхнень мархта эрви организовандам отстающей ученикненьди лезксонь максомать, штоба фявонк комсомолец и лия ученик афольхть иляд второгондинокс.

П. Рогачев.

Зубово-Полянский район.

АЕРДСЬ ТЕВТЬ ЭЗДА

Комсомолсь, кода массовой, аф партийнай организация, вяти повседневнай воспитательнай работа аф союзнай од ломаттнень ётка, воспитандакшни строителхть.

Сембе тя работать комсомолсь ётафнесь эсь первичнай организационнь вельде. Аш сомнения, што на первичнай организационнь иль ламосна честь мархта пашкоткшнесазь тя задачат. Но Zubovo-Полянский районца улихть нинге первичнай комсомольский ор-

ганизацият, конат работать од ломаттнень ётка ёфсикс юкстазь. Тяфтамке лувондови П. Селиша велень комсомольский организациясь (секретарец Белкин ялгась). Тяса од ломаттнень ётка работамать аф мольтеманц сюнеда комсомольский организациясь ёфсикс ашезь каса.

Белкин ялгати тя аф сатыкссь эрви учесть и ладямс од ломаттнень ётка воспитательнай работать.

Шиндин.

КЛУБСЬ ИНГОЛЬЦЕКС ПЯКСТАФ

Клубть воспитательнай значениан велеса пях оцю. Но тянь ёфси аф шархкоткшнесазь Сузгарьге велеса.

Велень клубсь пях ламос эрьсесь пяхтафста, аныцек сяс мес ашель клубонь заведущай. Эста велень руководителхне клубть колга эсь калдыав работасон кяшендезь, што аш клубса работник.

Тяни клубса ули заведущайге, но велеса политико-про-

светительнай работать мархта положениась иляткшни ингольцекс пях калдыаста.

Сави азоме, што работань тя важнейшай участкати пях кржа шарфни мялда велень комсомольский организацияське, конан клубонь заведущайти Резепова ялгати аф максикодамовок практический лезкс.

Елкина.

Рузаевский район.

СССР-ть И ЮГОСЛАВИЯТЬ ЁТКСА ДРУЖБАНЬ
И НЕНАПАДЕНИЯНЬ ДОГОВОРТЬ ТИЕМАНЦ
КОЛГА ИНОСТРАННАЙ ПЕЧАТТЬ ОТКЛИКОНЗА

Апрельть 7-це шистонза сембе шведский вечерний газетатне печатласть сообщения, конань эса азондови «Правда» и «Известия» газетатнень передовой статьясон содержанияна, конат посвященнайхть ненападениян и дружбань колга советско-югославский договорть тиёманцы. «Нью Даг» газетась сёрмады, што договоронь тиёмась тага весть цебарьста няфнесы Советский Союзть мирнай политиканц.

Английский газетатне васенце страницасон эса печатласть СССР-ть и Югославиять ётка дружбань и ненападениян колга договорть текстонц, а тяфта жа договоронь тиёмать колга советский печатть выказываниянзон. Договорть тектонц тяфта жа пачфтезь и английский радиостанциятне.

Венгерский печатсь печатлазе СССР-ть и Югославиять ётка

дружбань и ненападениян колга договорть текстонц. «Созат» газетась максим заголовка: «Советне уважения мархта относительно югославский территории целостностнцы».

Азондомок «Правдаты» передовоенц содержаниянц, кона посвященнай СССР-ть и Югославиять ётка дружбань и ненападениян колга договоронь тиёмати, турецкий «Тан» газетась сёрмады, што тя важнай документсь заслуживает оцюмьль и пях оцю значения.

Китайский газетатне няеви вастса печатлазь СССР-ть и Югославиять ётка дружбань и ненападениян колга договорть текстонц. Тя договорть тиёманц колга «Дагунбас» газетась сёрмады, што СССР-ть политикац путви эстейнза цель избавить человечествать войнань бедствиятнень эзда.]

(ТАСС).

ЕВРОПАСА И АФРИКАСА ВОЙНАСЬ

(Апрельть 8-це шистонза военной действиятнень - дневниксна)

Югославский и греческий фронттнень эса, корхтати германский командованиять сводканц эса, германский войскатнень наступлениясна стаки моли. Германский авиациясь бомбардировандазень Бельградть военной укреплениянзон. Сава лийть районца (Севернай Югославия) германский бомбардировщикне машфтозь машинакинь сеттнень, вокзалхнень и машинакинь полотноать. Скопаль районца (Южная Югославия) ульсть бомбардировандаф и ляцентфть югославский войскатнень скоплениясна.

Рейтер агентствась пачфнесы, што югославский войскатне занязь Адриатический морять побережьясонза важнай итальянский портть—Фиуметь. Тяфта жа фатяфт Цара ошсь (итальянский владения) далматский побережьяса (Югославия) и Скутариь, севернай Албанияса фя инь значительнай ошсь, конань эзда моли виде ки Дурацио портти.

Английский военно-воздушнай вийхне, английский сообщениятнень коряс, апрельть 7-це шинц карша веть вииста бомбардировандазнь германский войскатнень скоплениясон Софияса (Болгария).

Греческий командованиять сводкасонза корхтати, што греческий аф оцю вийхненьди удалась кирдеме противникть ингольдень рубешнень эса. Сембе атакатне ульсть марнек отраженайхть. Оперативнай соображениян коряс и сянкса, штоба аф тиёмс бесполезнай жертват, греческий войскань лафча отраттне эсь пингстонза полной порядкаста тусть Западный Фракияста. Немце пачкодсть Эгейский морять побережьянцы и занязь Турциять мархта границендай Восточнай Грециянь районть.

Юнайтед Пресс агентствась пачфнесы, што болгарский фронтса бойхнень эса участвовндай пях лама английский мотомеханизированнай часть.

Апрельть 8-це шинц карша веть несколько сяда германский самолет вииста бомбардировандасть лама военной объект Англияса. Клайд лийть устьясонза Глазгооть маласа ульсть ёрдафт бомбат кафта портовой ошнь лангс. Тяфтажа ульсть атаковандаф Бристольть, Ливерпульть и Гарвичть портсна.

Апрельть 8-це шинц карша веть английский авиациясь основной ударть тиезе Кильть, Бремерхафенть и Эмденть лангс.

Севернай Африкаса стаки моли итало-германский войскатнень наступлениясна. Итальянский командованиять свединиянзон коряс, Киренаикаса синь занязь Варка, Токра и Дерна пункттнень (Бенгазить эзда сяда север восток ширеса).

Английский печатсь азондсы, Киренаикаса английский войскатнень отступлениясна моли организованнайста и ётни строгай соответствиясь инголькиге арсеф планть мархта.

Восточнай Африкаса, Эритреяса, операциятне молихть Массауа портть районца. Кода пачфнесы Рейтер агентствась, Де Голль генеральт французский войсканзон передовой частьсна ашихть 13 километрань вастса Массауа портть эзда.

Абиссинияса партизантне занязь Добра-Маркос ошть (Аддис-Абебать эзда 180 километрань вастса сяда северо-запад ширеса).

(ТАСС).

США-ти ГЕРМАНСКИЙ ОД ПРОТЕСТСЬ

США-ти государственнай секретарсь (иностранный тевоень министрсь) Хелл печатень представителхненьди азозе, што сон

получась германский од протест США-са германский суднатнень фатямасон каршес.

(ТАСС).

Ответ. редакторсь И. ЧУДАЙКИН.